

乾隆歷城縣志

歷城縣志卷第九

山水考四

水二

大清河又東北經牛家渡東又北東經華不注山北又東北右納濼水之分流

濟水又東北經華不注山

水經

牛家渡口在蘇家渡東北張除家窩在牛家渡東小

街渡口在張除家窩東

補志

濼水之分流分自城西北隅循城而東里餘右會大明湖水湖水宋元人皆云源出舜泉今湖水與舜泉不通

或曰地下有狀流也。

歷水在縣東門外十步按三齊記云歷水在歷祠下

泉源競發與灤水同入鵲山湖

太平寰宇記

舜井在縣東一百步舜所穿之井也

同上

濟南行記水西亭之下湖曰大明其源出於舜泉

山道

集

桂康泉今湮沒土人能指其處泉在舜祠西廡下云

杜康曹以此泉釀酒有取江中冷水與之較者中冷

每升重三十四銖此泉減中冷一銖以淪茗不減陸

羽所第諸水云

同上

曰舜泉在舜祠下曰香泉在舜泉西曰鑑泉在舜泉

南曰杜康在南舜廟

齊來

按今南門外有泉名曰鑑泉趵突泉西北有泉亦名曰杜康

舜泉在舜祠東一名舜井雙井並列世名源源泉蘇半刺為梯修其南一井翼亭其上北一井規入公解

不復名源源矣

舊志

香泉在舜祠西廡下其水六十年一發發則奔溢滿

城道生魚鼈萬歷丁未一見

同上

杜康泉在舜廟西小巷內

同上

歐陽修舜井歌岸有時而為谷海有時而為田虞舜
已歿三千年耕田浚井雖鄙事至今遺跡還依然歷
山之下有寒泉向此悲號于旻天無情草木亦改色
山川慘澹生雲烟一朝垂衣正南面臯夔稷契來聯
翩功名德大被萬世今人過此猶留連齊州太守政
之暇鑿渠開沼疏清漣遊車擊轂惟恐後衆卉亂發
如爭先豈徒邦人知樂此行人亦為留征軒文忠公集
曾鞏舜泉詩山麓舊耕迹故壘井幹餘汲見飛泉清
涵廣陌能成雨冷浸平湖別有天南狩一時成往事
重華千古似當年更應此水無休歇餘澤人聞世世

傳

南堂類稿

按今之舜井不得云飛泉城東南黑虎諸泉白石壁飛瀉疑古所謂舜泉或在此其曰冷浸平湖或謂城北鵲湖非今城內大明湖也

蘇轍舜泉詩并序始余在京師遊宦貧困思歸而不能聞濟南多甘泉流水被道蒲魚之利與東南比東方之人多稱之會其郡從事闕求而得之既至大旱幾歲赤地千里渠存而水亡問之其人曰城南舜祠有二泉今竭矣越明年夏雖雨而泉不作邦人相與驚曰舜其不復享耶又明年夏大雨霖麥禾薦登泉

始復發民驩曰舜其尚顧我哉泉之始發潄為二池
醜為石渠自東南流於西北無不被焉灌濯播灑蒲
蓮魚鼈其利滋大因為詩使祠者歌之詩曰歷山
崑崙舜宅焉虞舜徂矣其神在天其德在人其物在
泉神不可親德用不知有列斯泉下民是祇泉流無
疆有永我思源發於山施於北河播於中遼漚為澄
波有鼈與魚有菱與荷蒞毒是洩汙濁以流埃壘消
亡風火滅收藁木敷榮勞者所休誰為旱災靡物不
傷天地耗竭泉亦淪亡民咸不寧曰不享即時雨既
澍百穀既登有流泣然彌坎而升溝洫備盈蝦蟇沸

鵬川泉實來帝實顧余執其羔豚蘋藻是蒞帝今在

堂泉復如初

樂城集

又舜泉復發詩爽爽清波舊繞城旱來泉眼亦塵生
連宵暑雨源初接發地春雷夜有聲復理溝渠通屈
曲重開池沼放澄清通衢細灑浮埃淨車馬歸來似

晚晴

同上

按序云城南舜祠有二泉則北宋時之舜祠似非
今城內舜廟所謂二泉非今廟內舜井詩云發地
春雷夜有聲尤與今水不合

又按古城小於今城寰宇記謂歷水在縣東門外

此必宋以前地理書中語則以今舜井及北珍珠
諸泉為歷水亦與遺山所謂大明湖其源出於舜
泉者相合然水經注云歷祀下泉源競發其水北
流經歷城東考故縣城在今城之西南隅若以今
舜廟之泉為歷水則不得云泉源競發若云即今
北珍珠諸泉其地正當故城之東北隅不得云其
水北流經歷城東也反復求之皆不合或曰舜泉
以北地中實有伏流子由所謂醜為石渠者為後
來鄧市所掩覆故不可復見耳

趙秉文舜井詩一水獨冷然浮雲幾變遷心知思舜

處時見井中天

集 澤水

元好問舜泉效遠祖道州府君體詩重華初側陋嘗
耕歷山田至今歷下城有此東北泉喪亂二十載祠
宇為灰烟雨泉廢不治漸著瓦礫填蛙跳聚浮沫羊
飲留餘羶我行歷荒基涕下何漣漣舜不一井庇下
者何有焉帝功福萬世帝澤潤八埏要與天地並寧
待一水傳甘棠思邵伯自是古所然我欲操畚鍤浚
水及其源再令泥濁地一變清冷淵青石疊四周千
祀牢且堅石渠漱清溜日聽薰風絃便為泉上叟杯

飲終殘年

集 山

湖水之源今可見者惟北珍珠諸泉在巡撫署內其西出者為濯纓湖今為墻垣所隔且湮其半矣其東出者仍西與濯纓湖會其地直撫署之西北隅舊志所謂廻龍灣也

名泉碑曰北珍珠在白雲樓前曰散水曰溪亭在北珍珠東曰濯纓在北珍珠西曰灰泉在濯纓西北曰知魚在灰泉東南曰硃砂在灰泉西府城內灰泉最大自北珍珠以下皆滙於此周回廣數畝當是大明湖之源也曰劉氏在北珍珠西北曰雲樓在劉氏南

濯纓湖在府內都司西北本名灰泉台北珍珠散水
濯纓硃砂諸泉皆匯此周廣數畝元憲使副竹希仁
改今名

陸通志

飲馬池在都司北池有芙蓉堤繞文廟東俗呼疊道

同上

城內大明湖凡數十頃橫塘側澗不知幾許總仰給
於灰包泉泉湧如輪蓋亦趵突之別出者

齊音

北珍珠泉在都司西北白雲樓前平地湧泉錯落如
珠右有劉氏泉左有溪亭泉夾之匯為濯纓湖流經

百花橋入為大明湖

舊志

雲樓泉一名白雲泉

濯纓湖今歸入德藩建濯纓亭其上俯視澄淵鬚眉可鑒楊柳交匝金鱗游泳龍舟蕩漾蓋世奇觀

濯纓湖廣數十畝蓄魚無算大者數尺陰雨往往起龍

迴龍灣濯纓湖繞土山西注鍾此出達百花橋

以上俱舊志

朱葵尊澆泉記宛平劉公巡撫山東之明年於德事西北掘土深二尺有泉涓涓出自穴從而濬之又二尺其廣倍焉甃以甃養魚百頭清可鑒髮公顧而樂

之語其友朱彝尊曰是宜何名曰爾雅水自濟出為
澗其澗泉乎記之曰天下之水源澄者流必清源濁
者流亦濁然河出崑崙墟色白所渠并千七百一川
色黃則衆水混之也航於下流者見其濁以為河之
性然彼徒窺其末而未窮其本則為之濁也固宜為
政之道亦若是而已吏至廉也為之賔客者苟萌營
利之心惑於視聽則混之者日至源之清濁流亦異
焉今公既能潔已於上賔客咸以公之心為心若泉
之在甃纖塵有所不納雖極而至於大小清河而入
於海無非清者矣公曰旨哉子其書之以告後之居

是邦者

暇書
亭集

雷淵濟南珍珠泉詩大地萬寶藏元冥不敢私抉開
清玉罇渾渾流珠璣輕明疑夜光潔白正摩尼風吹
忽脫串日射俄生輝有時如少靳瘖沸却累累風色
媚一川老蚌初未知君看一日間巧歷所不賅游人
隨意滿不界乾沒兒吾謂歷下城繁華富瑰奇貪夫
死專利帝意憐其癡故露連城珍可玩不可幾若曰
天壤間所遇皆汝資何必秘篋笥自貽伊瑕疵詩成
一大笑臆說量天機

中州集

晏壁劉氏泉詩泉名劉氏果何人千載風流憶伯倫

天祥釀泉清可掬松花滿泛甕頭春

蔣志

王氏溪亭泉詩魚池西北水涓涓王氏池亭尚翼然

溪上槐陰清晝永凭欄徙倚聽鳴蟬

同上

朱昆田春日珍珠泉雜興詩二首插柳尋花匠穿池
喚鶉夫枯松橫略約新葉長菰蒲到處泉爭瀉無名
鳥自呼誰知官舍裏宛似水村圖

雨洗春山活池添野水肥孤亭收列岫小舫泊平磯
卷幔移時坐垂竿向夕歸此間多樂事不嘆故園違

簡漁
小稿

珍珠泉詩中丞官舍第三泉水面跳珠顆顆圓小舫

卷二 水二

不妨牽岸上羣山無限落亭前舊游欲說還同夢勝地重過合是緣十七年來成底事髣髴絲如許實堪憐

同上

泉上書懷和丹徒公韻濟水別為澆百道清泉流我來舜子郡日向泉邊游或如立素雪或如鳴清瑤或如下急雨或如翻名謳或如越練拓或如楚穀浮或怒而砰沅或潛而深幽或蛇乍赴壑或龍初辭湫或紛紛絮起或裊裊絲柔水態變萬狀對之明雙眸幾日東風吹積凍消來不披草試一坐爽簌聞颼颼下有珠萬斛中有魚千頭飛飛下白鷺沉沉浮霜鷗

龍恣拏搜照影枝相樛其北花樹密其南烟磬稠軒
軒丹徒公手挾風雅翰每攜椰子瓶來放鯽魚舟支
鎗燒落葉汲水煎風漚良辰多樂方美醞無停酬有
時窮遠目接足登高樓以茲磊落人況遇山水州小
子奉几杖二載官齋留南湖敗釣艇長水荒耕洲三
椽老屋下泱泱流深溝此地與故國風景還相猶兼
之戀函丈百籍容旁搜頭顱已如許名位焉可求壯
夫有不為作文類俳優古音奏今耳自笑非良謀不
如拋睡媒烟波任浮休青箬帶雨笠香鷺懸魚鉤沙
鳬盟可結蓮社名須投人生有如寄何事自買憂形

容半枯槁誦讀長吟愛鈍比鮎上竹快羨鷹脫鞵紅
塵一投足難得歸林邱思之良足嘆且醉缸面菊公
才如大楚邾莒安能倚筆陣塵羅趙鼎吟嘲劉侯春
光等逝水瞥眼驚臄悠

丹徒公於澁源堂後穿池種荷賦詩敬次原韵數弓
營隙地百指鑿清泉春漲鴨頭水光搖魚尾天鏡中
千嶂入花外一亭圓擬傍官園住來耕舜子田

以上俱舊

漁小稿

廻龍灣水北出百花橋梯雲溪水會芙蓉諸泉水來注
之是為百花洲矣

玉帶河水出濯纓湖分派入府學經啟聖祠折而西
又折而北於崇制閣前轉而東復入明湖郡守樊公
時英於異方建一亭亭前匯一池水來潄潄有聲今
水改北流北河遂涸

舊志

梯雲溪在府學前

芙蓉泉在府學前韓觀察宅內其水逶迤北流至泮
池沈華東太守濬其渠名曰梯雲溪齊乘云姜家亭
前

百花洲在百花橋下方廣數十畝四面居民旋繞較
之北湖更饒韻致其北即鵲華橋

百花橋在鵲華橋南兩橋相望中為百花洲

興文橋在府學前芙蓉泉水經其下入泮池

以上俱舊志

錢陳羣恭和

御製百花洲詩用宋曾鞏韻

宸遊憇古亭言尋芳洲路蘭舟初停橈雲罕一回步垣轉勢

更寬泝遠景多趣舟逐鷗鳥飛帆隨駿馬騫漣漪散

圓珠晻曖挹朝露遠水自生虛春陰易為暮林碧澹

人烟袂清襲花霧風詩懷名篇瞻眺發深顏豈惟適

方舟亦可滋杭稌即事念民依旨哉有餘慕

香樹集

百花洲水又北出鵲華橋匯為湖水經注之歷水陂應

在此宋以來所目為大明湖者也。孝感諸泉自西南來注於湖東北出北水門而與濼水會。北水門一名會波門。

孝感水在縣北門。按三齊記云：其水平地湧出為小渠，與四望湖合流入州。歷諸廨署，西水濼水耆老傳云：昔有孝子事母取水，遠感此泉湧出，故名孝水。天寶六年勅改為孝感水。

太平寰宇記

按今孝感泉在太平寺內，去西門半里。許寰宇記云：在縣北門，蓋其時縣城小於今城也。又據三齊記者：老傳則孝感水之名由來已久。齊音謂為元。

孝子劉琮故宅或未见寰宇記耳

濟南行記大明湖其大占府城三之一秋荷方盛紅

綠如繡令人渺然有吳兒洲渚之想

遺山集

此游汎大明湖者再遂東入水柵留五日而還至濟

南又留二日汎大明湖

同上

水經注灤水北為大明湖云云則大明湖亦源於灤

今在府城內周十餘里即歷下泉源競發北流出郭

者也欽嘗擬會波樓記畧云濟南山水甲齊魯泉甲

天下蓋他郡有泉一二數此獨以百計濤噴珠躍金

霏碧潄韻琴筑而味肪醴不殫品狀在邑者瀟市之

半在郭者環城之三棋布星流走城北限匯於水門
東流為濼並於汶過於時入於海可概見矣

齊乘

百花橋今曰鵲華在大明湖南岸橋南百花洲洲上
百花臺環湖有七橋曰芙蓉曰水西曰湖西曰北池
之類是也南豐詩云從此七橋風與月夢魂長到木
蘭舟概可想見今皆廢矣惟百花橋與濼源石橋僅
存欽按濟南東藩名郡自唐李北海杜子美宋曾南
豐東坡兄弟相與登臨歌詠於湖山之上當時政治
風流猶可想見而亭館隳廢百無一二今人亦那復
知之方且戚戚於矯飾汲汲於資級以此馳騫一世

反有竊笑古人者矣

同上

大明湖在府城內西北隅一名西湖按鄆道元水經注濼水北為大明湖湖水引瀆東入西部一統志源出舜泉今按濼水繞城北流向東不入城舜泉亦止成一井不流惟北珍珠濯纓諸泉今在德府內者北流入大明湖而自北水門出注濼水如舊豈湖中自有泉源暗發人不及見耶今湖多為民居填塞治圃夾蘆為沼小舟僅通曲港而蔬果蓮藕菱芡魚蟹之利民頗資之

陸通志

玉環井在府城內布政司街兩泉並出如環

惠民井在府城內與玉環井相並

感應井在內城內北極臺下

以上俱陸通志

大明湖水北注會波橋遠通華不注湖光沿渺山色
遙連冬泛冰天夏挹荷浪秋容蘆雪春色楊烟鼓枻
其中如游香國鷗鷺點乎晴波簫鼓助其遠韻固江
北之獨勝也景標為明湖泛舟王季木曰湖出城中
擅奇字內異在恒雨不漲久旱不涸蛇不見蛙不鳴
雖夾蘆為沼有礙大觀然蓮菱魚蔬利用多矣按水
經注云濼北為大明湖一統志云源出舜泉今濼水
不入城舜泉亦不流附此以證水經注齊乘之訛

舊志

按水經注所謂大明湖自在城外以今疑古此禱志之誤也

鵲華橋古名百花橋元易今名遂以百花名其南橋羅姑泉在縣治東

孝感泉在太平寺南流入寺前匯為一池曲引入僧厨復出垣外達於北渚

宗家橋在會波街

以上俱舊志

按今雙忠祠內又有雙忠泉亦流入明湖

季裕游大明湖記畧濟有七十二泉匯為明湖由北水門注於濟湖占城內地三之一延亘長堤堤傍多

柳堤上跨七橋以通諸泉之流泄棋布於中若洲若
渚若汴若澗者以百數為歷下勝概余至濟南閱四
載成化己丑左長史屈公天錫新構軒於湖北之湄
其夏邀余與葉公拱宸鄭公德聚劉公行恕董公國
器張公鳴玉吳公大祿臨流以嬉汎覽湖上水光映
天澄鮮一碧翳玉水鵝浮游洲渚間於時主賓獻酢
情甚暢天錫命僕舫三舟於水涯余八人登舟列坐
隨流曲折悠漾柳陰中而絲竹管絃之聲洋洋盈耳
時清風徐至荷香襲人心凝形釋與萬物冥會恍若
身仕閬苑蓬萊間遂循南岸至歷下環波水香三亭

亭瞰湖濱宋曾子固知齊州重建今湮圯基存比日
將申舟楫北岸復登北門城樓啟窗四顧其泰山綿
亘而南拱華不注桀立於東鵠蔡諸山環抱於西北
俯視白雲巨合諸水皆在階祀下濟南山川形勢亦
雄矣哉雖然余與諸公皆膺民社之寄一賞而足奚
可耽遊廢務犯荒佚之戒乎

岳通志

王思任游歷下諸勝記畧華不注大明湖趵突泉濟
南之三譽也東北山渡海謁岱如雁陣點點距翼戢
止而華不注虎齒刺天肥而銳似帝青寶碧十分塗
塑者予時僑居歷山書院幕僚程張二君以斗酒浴

之漱玉亭上觀所謂趵突者昔時劍標數尺而今僅
為抽節之蒲且泉之左為于鱗先生白雪樓別有所
屬何處弔中原吾黨也明日盡辭上官披襟獨往歷
下亭子一看蕩菖千畝流光溯空蘆中人誰與若肯
為我譜漁笛數弄我不難賡桓伊也盈盈脉脉誰可
笑語乃乞北門鎖鑰於某萬戶倩睥睨為光明焉南
山危矗如佛首者歷山耶舜所耕在濮此何以歷戴
元趾詩送我平生少知己慟哭鮑山邊東望有青蔚
起者是矣元張養浩龍洞記畫凶刻險涕中帶笑也
且寄語東南一片雲願以他日夫山水之理必不可

園莽而得濟南名勝向稱幽夥一眺望間而欲了上
下千百年之事此不過望屠門而食氣者不可以飽
驕人雖然疎籠之羽義無反顧而吾猶得翔翔成禮
以去雖不滿腹亦不虛歸矣

圖書集成

王士正泛明湖記予去明湖十年矣游漪園之次日
鍾朱二子復有泛湖之約肩輿而北過百花洲葭蘆
彌望新荷田田被水故德藩宮泉北出溢為洲又北
過薛文清王文成二公祠不入過許忠節祠許公諱
達正德中為樂陵令殺流賊全其城後與孫忠烈同
死寧濠之亂西階下刻何大復樂陵令行一碑祠西

鄰水而亭亭前有池種佛座錦邊諸白蓮皆與一
橋跨之惜不及花時來遊也亭西登舟舟頗具欄檻
解纜而北彌望皆蘆荻葭蒹湖本空洞勢家規為塘
堰擅蒲鷄之利如圍棋界道如明鏡著癡舟循港行
不復能溯洄上下矣西北古歷下亭即李北海杜子
美賦詩處近頗脩葺亭中額曰歷下此亭古歎其樸
雅亭之北有奧室四廊繚之而西復有一軒甚紆折
亭軒皆構架於水上菱芡被渚鷗鳬近人城南龍洞
諸山蒼翠若在眉睫湖上看山無踰此亭之曠者流
連移舄解纜而東復由水面亭捨舟登岸取道鵲華

橋以歸橋之所跨即百花洲北流入湖之支也

帶經堂集

張貞夜汎蓮子湖記吾鄉山水濟南為最勝七十二泉皆散滙於北城為蓮子湖澹蕩空明瀾漫數十頃南山廻環斷續與城內之漁莊蟹舍遙相掩映無異畫圖此昔人所以有濟南山水天下無之語也余當壯盛槐黃席帽從事會城必偕朋好流連湖上文酒欽集一時名勝士後先不啻數十人年運而往知交零落余亦日就衰索削迹名場游興奇減不至濟南者幾十五年康熙庚辰有事北上取道其間自傷孤另頓覺湖山慘淡矣解后得朱君子青遂托末契交

情綢洽不如前日之諸君子也相邀月夕重尋舊游
於天心水面亭登舟再過歷下亭放舟烟水皓魄澄
波鳬沈雁宿聲籟四絕獨健魚往往觸響船頭而已
子青所載酒特芳冽坐客皆醉余雖不能飲亦強進
兩蕉葉不覺醺然清歌忽自坐中起音韻縹緲聲繞
焚蘆令人神骨俱爽至北極臺夜漏乙丙廟扉盡闔
道士已入華胥因不復叩衷回月下久之更登舟縱
談閔然而笑水鳥驚起羣犬齊吠若豹沿水門遵東
渚而歸不能成寐言念初游忽忽餘四十年且此四
十年中薦歷幽愁備遭哀酷猶是往日酒痕墨漬之

地浩然俛仰已非故吾胸懷耿耿何能下臍邪故泚
筆作記以志今昔之感云同汎者為鍾聖與吳木欣
朱子青杜西山谷九畹胡宗舜余與兒子在戊凡八
人時則四月十五日也

杞園集

曾翠西湖二月二十日詩平生拙人事出走臨東藩
紛此獄訟地欣乘刀筆閒泳舟明湖上清鏡照衰顏
春風隨我來埽盡冰雪頑花開滿北渚水綠到南山
魚鳥自翔泳白雲時往還吾亦樂吾樂放懷天地間
顧視彼誇者錙銖何足言

南堂類稿

西湖詩左符千里走東方喜有西湖六月涼塞上馬

歸終反覆泰山鵠飽正飛揚
慎宜魚鳥心常靜老覺
詩書味更長付到平橋初見日
滿川風露紫荷香
湖面平隨葦岸長碧天垂影入
晴光一川風露荷花
曉六月遂瀛燕坐涼滄海桴浮
成曠蕩明河槎上更
微茫何須辛苦求人外自有仙
鄉在水鄉

西湖納涼詩問吾何處避炎蒸
十頃西湖照眼明
魚戲一篙新浪滿鳥啼千步綠
陰成虹腰隱隱松橋出
鵲首莪莪畫舫行最喜晚涼風
月好紫荷香裏聽泉
聲

離齊州後詩雲帆十幅順風行
卧聽隨船白浪聲好

在西湖波上月酒醒還對紙窗明

畫船終日扒沙行已去齊州一月程千里相逢是明月水西亭上一般明

文犀刻刻穿林筍翠幄田田出水荷正是西亭銷暑日卻將離恨寄烟波

將家須向習池遊難放西湖十頃秋從此七橋風與月夢魂常到木蘭舟

荷氣夜涼生枕席水聲秋醉入簾幃一帆千里空回首寂寞船窗祇自知

寄齊州同官詩西湖一曲舞霓裳勸客花前白玉觴

詔對七橋今夜月有情千里不相忘

以上俱由
豐類稿

鵲華橋詩雁翅橫連杜若洲碧欄干影在中流蓬萊

日日游人到誰道仙風解引舟

見舊志

蘇轍和李誠之待制燕別西湖詩并序熙寧六年九月天章閣待制李公自登州來守此邦愛其山川泉石之勝怡然有久留之意此邦之人安公之惠亦欲公之久於此也然自其始至而民知其方將復用懼其不能久矣明年二月詔書移牧河間邦之父兄皆惜其去雖公亦將留焉而不可得也於是數與其僚燕於湖上曰北方幸安余將復老於此酒酣賦詩以

別從而作者三人公平生喜為詩所至成編及來此
邦而未嘗有所為故尤貴之遂相與刻金石以慰邦
人之思焉東來亦何恃夫子此分符談笑萬事畢樽
罍衆客俱高情生遠岫清興發平湖坐使羈游士能
忘歲月徂縱歡正樂易恨別不須臾廟幄新謀帥河
間最近湖安邊本餘事清賞信良圖應念茲園好流
泉海內無

集樂城

次韻李昭叙供備燕別湖亭詩池亭雨過一番涼雲
鬢羅裙客兩旁不覺行人離恨遠貪看積水照蓮光
滿堂樽俎歡方劇極目江湖意自長歸去伊川瀟灑

地不須遺念鶯清湘

同上

元好問泛舟大明湖待杜子不至詩長白山前繡江
水展放荷花三十里看山水底山更佳一堆蒼烟收
不起山從陽邱西來青一彎天公擲下半玉環大明
湖上一杯酒昨日繡江眉睫間晚涼一櫂東城渡水
暗湖深若魚路江妃不惜水芝香狼籍秋風與秋露
蘭襟鬱鬱散芳澤羅襪盈盈見微步晚晴一賦畫不
成枉著風標誇白鷺我時驂鸞追散仙但見金支翠
蕤相後先眼花耳熱不稱意高唱吳歌叩兩舷喚取

樊川攜醉筆風流聊與付他年

同上

趙孟頫湖上早春詩谿上春無賴清晨坐水亭草芽
隨意綠柳眼向人青初日收濃霧微波亂小星誰歌
采蘋曲愁絕不堪聽

松雪集

湖上暮歸詩春陰柳絮不能飛雨足蒲芽綠更肥政
恐前呵驚白鷺獨騎數段繞湖歸

同上

張養浩遊湖有感詩肇余復鄉土樹石皆華滋眎彼
湖波綠頓覺香可飢攜朋訪蓮葉浩浩從何之俯視
亂山影與樹相參差商飈一披拂夾岸蛟龍嬉舉手
欲攬玩復恐陽侯悲平生慕天游不意今有茲赤壁
坡仙笛漢陂少陵詩二子孰可繼沙鷗弄晴曦

元詩選

大明湖詩浮空帆影泝流光箕踞船頭倒羽觴映出

湘靈歌一曲水雲搖蕩暮山蒼

見稿志

登會波樓詩何處登臨思不窮城樓高倚半天風鳥
飛雲錦千層外在丹青萬幅中景物相誇春巨野
古今皆夢水連空濃粧淡抹坡仙句獨許西湖恐未

公

同上

邊貢湖水雜詠萬竹陰陰暑氣微主人迎客敞山扉
翻然使節傳呼近驚起舟前白鳥飛

華泉集

劉天民七夕雲川舒柱史邀泛北湖詩秋入明湖水
咽流夕陽倒浸碧波樓四方簪組聊朋盍百歲風烟

幾勝遊幡影搖知蓮渚寺笛聲吹過柳陰舟唯君白
是來槎客此夜將因問女牛

西山集

王慎中劉禹山招游大明湖詩輕舟恣所往適趣何
必深居然在城郭而得混魚禽翠岫遠嘶席綠波清
照襟明湖既得性芳歲亦娛心暮景媚涵水春風吹
滿林岸木稍變色汀草微生陰浩蕩紛言笑滿盈述
酌斟不能日日至勿云樂太湛

道藏集

許邦才春初邀殷少保劉國戚泛湖詩春風佳興動
亭臺況是濃芳水木隈帶雪山從城外見負冰魚逐
網中來湖平自信方舟入家近何妨倒載廻公等不

徐逢時三尊前得共濟川才

志

潘子震遊湖望華不注詩西霽湖光湛碧天正堪沽
酒上漁船波間倚棹看山影樹底行厨接水烟遙想
少陵遊歷下猶聞太白賦華巔秋來偏愛林塘好况
對清風明月前

張鶴鳴遊湖絕句二首荷葉包魚綠竹港磁餅酤酒
藕花洲棹歌不斷菱風急吹入白蘋灣盡頭

點點青螺華不注團團飛鏡大明湖相傳玉女梳粧
處濟上於今有畫圖

劉勅大明湖詩一川清禁水滙作百花洲倒影搖青

嶂澄波映畫樓舟橫竹港外人坐釣磯頭高客嘗來

此開樽對白鷗

以俱
舊志

王象春大明湖詩萬派千波競一門岡巒迴合紫雲

屯蓮花水底危城出略似鏤金翡翠盆

齊音

王大儒暮春泛大明湖詩春暮明湖烟樹餘扁舟如

葉蕩輕沙斜陽浸水分流影遠岫拂雲帶晚霞興欲

豪時聞楚調路遙歧處問漁家幾星燈火催暝色明

月橫橋映岸花

舊志

申涵光泛舟明湖詩二首女牆倒影下寒空樹杪飛

橋渡遠虹歷下人家十萬戶秋來都在雁聲中

四郭山圍嵐氣昏竹籬疎樹一江村醉中見月忘風

露夜半吹簫過水門

中見
盟集

施閏章同嚴子養給諫李君渥樞部泛明湖詩落日
扁舟野興長繁絃急管綺筵張四波荷芰餘零亂曲
浦亭臺接淼茫海內詞人從二仲客中佳節近重陽
東藩皂蓋傳高會此地風流倘未央

愚山
集

王士正秋日遊明湖詩七首素舸映西景悠悠汴遙
波清吹靡涼荻眠鷗點殘荷玉笛起四隅遙應銅斗
歌繁落在吾手莫惜朱顏配

名泉七十二齊郡早知秋潺湲虎落間高下穿清流

柳絮落不已龍居吟未收此時五花簪高卧會波樓

柳絮龍居
皆泉名

廣澤散荷風疏峯半雲日捲幔千鳬間冷然泛瑤瑟
北渚但殘亭杜李空文筆永嘯一長吟仰止私願畢
西望亦有鵲東望亦有華兩峯關蛾眉明湖如絳紗
司徒泣楓影滄溟悲蕓花李駒與邊習千載令人嗟
七橋夾明鏡芳事接芳林日日攜漁舄朝朝弄渚禽
焚香續曾翠歌案語桑欽十載滄洲夢茲遊豈滯淫
嗚咽離宮水秋來長杜蘅玉階曾駐輦香閣罷調笙
丹檻胭脂浣清池翡翠鳴忘憂館中柳葉葉可憐生

名士軒中卧水西亭外漁蓑蘆風日好枕簟復觀書
壁上水田服人間開士居鉤簾一西笑眉際落金輿

漁洋集

憶明湖詩一曲明湖照眼明越羅吳縠剪裁輕烟霽
濃澹山千疊荷菱扶蘇水半城歷下亭中坐懷古水
西橋畔卧吹笙鵲山寒食年年負那得樵風引棹行

同上

張篤慶獨游古明湖上詩獨游日亭午言遵湖水潯
湖水白不遠湖光清我心田田秋荷露歷歷秋雲陰
微黃變衰柳萬樹同蕭森言尋古城畔宮闕相凌臨

天門起涼颼曠望帶遙岑儼如芙蓉城寂歷清塵襟
方知浮雲外不為煩慮侵游鱗泛寒藻晴隄浴文禽
俯仰觀物化斜日天沉沉彼塘上篇適茲湖中吟
不羨沙棠舟微歌激煩音明朝還獨游寧知此路深

崑崙山

房集

朱彝尊飲壁下亭泛舟蓮子湖作二首濟水來王屋
源泉處處清自從湖口入不復地中行柳岸鳴蟬急
荷風浴鳥輕江南歸思緩髣髴濯歌聲

海右亭仍在城隅路不賒竹深池館靜山轉柁樓斜
小隊千行柳行厨五色瓜未愁霑席雨歸懼落晴霞

詩集

口雲泛湖詩葦路層層入
巖花面面飛鶴翎梳木葉
蝶粉上蓮衣小港船如笠
垂楊雨一圍揚舠向前渚

欲覓舊漁磯

古體
堂集

朱昆田鍾聖與招諸同人泛舟大明湖詩二首蘆箭
齊切碧玉簪柳垂長線水拖藍郭中到處通遊舫除
却江南便濟南

湖邊亭榭搃荒涼惟有韓家竹繞廊試問主人綠底

事不安窗子只安牆

詩漁
小集

鍾輅明湖夕泛詩偶爾來湖畔停橈小港東一亭思

北海半畝巾南豐柳映天心月蓮搖水面風夜涼傾

白酒帶苦吸荷筒

家木集

朱綱再侍漁洋先生遊大明湖坐壁下亭以水木湛
清華為韻得華字詩昨日出西郭看遍漪園花茲作
湖上游清興凌簾葭得隴復望蜀所願毋乃奢先生
饒濟勝小子餘勇加誰家撥頭艇正紫老樹了雙槳
破萍葉一道衝天斜湖波出淨淥鱗鱗感湘紗南山
好螺黛浸作水底霞孤亭覓戶牖漸欲田田遮白頭
感舊境俯仰生咨嗟雅社賦秋柳想見吟手又風流
五十載轉燭憐歲華

先生舉秋柳社於
此今四十九年矣

人生困塵濁

不殊負殼蝸好景眼前得底用窮幽遐水木明瑟地
昔聞圖經誇於此結茅屋間即浮釣艇七橋日來往
鷗鷺盟溪沙富貴影既幻神仙求亦差隨境取適意
冷澹良足嘉夫子莞爾笑斟酌思移家

吳船書屋詩

湖上捕魚詞二首蓮葉初生亂荇絲一年寒食燕來
時漁兒菱女春波上解向東風唱竹枝

乳鶯巧舌柳纖腰卯酒帘低覆小橋好待明年新水

綠杏花時節買魚苗

楓香集

朱永思大明湖詩一帶清溪幾曲流溪迴棹轉夕陽
收峯巒缺處露茅屋楊柳陰中藏釣舟薄靄不迷林

外寺好風偏到水邊樓人生樂事渾難得乘興還須

秉燭遊

續縣志

張元明湖載酒行濟南三月春光好明湖綠淨明如
掃小舟一葉漾輕風乘流選勝憑眺湖邊歌館按
霓裳湖中亭子枕滄浪清波潋灩環苔砌紅欄窈窕
開軒窗雲山玉樹空烟水異代詞人今已矣臨風憑
弔轉徬徨高踪遺韻知誰是俯仰千秋揔黯然何如
把酒共留連桃花笑日臨明鏡柳絮隨風點畫船興
酣潑墨為長句跌宕淋漓無緩步縱橫狂語不須刪
咫尺湖山歸指顧詩成擲筆更徘徊誰家遊舫畫簾

閒弄人如花則笑語時捲香風入座來須臾人去汀
洲冷空濛水國魚龍靜却看明月挂城頭芳堤遠近
垂清影仰天歸去仍高歌良辰如此莫蹉跎異時歷
下論知己還來湖上弄烟波

蘇軾詩
軒集

同朱彝尊遊大明湖詩二首幾年不到鵲湖頭又共
攜樽上小舟海右此亭新物色濟南名士舊風流琅
玕翠蔭芙蓉沼楊柳絲垂杜若洲十里波光催進酒
果然人在鏡中遊

移棹晚分菱荇香波澄鴨綠月如霜平湖倒影沈星
漢列嶂臨城壓女牆斷續漁歌迴浦淑蒼涼雲水落

瀟湘清光是處留人住拂曉遲歸亦不妨

秋夜泛明湖遇雨詩蓬底覺涼生濃雲壓濟城一湖

落疎雨萬葉盡秋聲飛濺濺衣濕斜風曳棹橫蕭蕭

過夜半渾欲亂殘更

以上俱錄
筠軒集

劉伍寬明湖柳色詩鵲橋兩岸近清明點逗春光翠

葉生古寺樓臺時隱見畫船簫鼓半陰晴平鋪鴨綠

和烟重淡染鶯黃著雨輕莫向人間縮離別一枝留

取待新鶯

海右
堂集

湖上口占荷葉亭亭欲作花樓臺又換幾人家平生

歷盡湖千路不改容顏剩鵲華

同上

劉藻明湖修禊詩百五東風節春濃歷下城乍憐花
信息微怯曉寒輕鳥自烟中起人從柳外行小橋騎

馬路無處不清明

雋慶堂集

張庚泛舟明湖望城南諸山詩旅齋側湖啟朝夕浮
餘清展書几淨對酒沙鳥鳴今日頗閒寂竿舫極
幽情菽菽出叢葦苒苒開密萍川氣汎洲動天光徹
波明仰見城南山照眼紛崢嶸看山又玩水浩然神
味盈襄圃亦已久容與若方迎吾懷得所適塵勞寧

我縈

強恕齋詩鈔

朱崇道明湖竹枝詞西湖南是鵲華橋半是菰蒲半

柳條欲覓問山亭畔路碧霞宮外雨瀟瀟

湖止草堂集

趙元睿和法南楚明湖雜感二首
祭戰高門化碧烟
湖光清冷日潺湲
人家籬落青蒲外
歌哭聲中已十年

千佛山青望眼明聞空可有木魚聲
秋娘墓下瀟瀟

雨夜半吹來風滿城

山左詩鈔

沈心大明湖詩頗覺閒心與世違
蓬萊方丈是耶非
參差樹影平橋遠
妙淨波光古寺依
郭內人家入名畫
鏡中魚鳥樂清暉
風流誰踵南豐後
秋柳吟殘雅

集稀

憶漁洋山人事
依石山房集

田湓湖上詩遠卧橋如畫人家夕照間鴨頭爭水沒
燕尾引風還長短亭邊柳淺深郭外山堤雲自來去
好伴一身閒

枕湖書
屋詩

王天慶大明湖咏白燕詩雙雙橋畔拂青苔霧縠霜
綃任剪裁湖外翻飛明似鏡枝間來往白於梅不爭
塵世巢華屋應紀瑤簪上玉臺未待秋深何處去知

君冰潔異凡材

晚香
堂集

盛百二鵲華橋詩北渚層城浮杳靄王孫妙筆有無
間

趙子昂有鵲
華秋色圖

夾堤宛轉湖雙壁浸水嬋娟月一彎

人隔芙蓉聞笑語我今木石共癡頑地偏不厭尋幽

數日日盟鷗約伴還

皆山樓吟稿

灤水又循城而東里餘黑虎泉水自東南來入之泉出城東南隅城河南崖下其西為南珍珠泉又西南為鑑泉二泉東北流會黑虎泉同為城河舊有閘名東響閘北流經東門外又北入於灤

名泉碑曰南珍珠在鐵佛巷東曰金虎曰黑虎在李

承務巷

齊泉

南珍珠泉城東南壕內浮若珍珠東注城壕

舊志

黑虎泉在東南城壕崖下水出匯為一池潏潏有聲流入城壕券上有黑虎廟

鑑泉在舜祠南今考在南門外橋西池如太極而水更空明可鑑流入城河

東響閘在城東南隅所以蓄黑虎諸泉之水

以上俱舊志

歷水在歷城縣東

大清一統志

歷水又東北右納雙橋寺水水來自東關每山水暴漲則大佛山北及千佛山東之水皆來入之

名泉碑曰白虎曰甘露在大佛山

齊乘

爐泉齊乘曰在南山下今迷莫考

舊志

白虎泉在大佛山內

天生橋在姚家橋東

柳陰橋在城東柳行頭

以上俱舊志

佛慧山甘露泉水經文昌閣與歷山山水合北經乍
忽泉天生橋至添福莊合八灣橋水經洪濟橋廣濟
橋通便橋東北會於柳陰橋又東南狼毛頂山水經
萊家莊橋至添福莊北經通濟橋合老龍灣水西北
會於柳陰橋同流入雙橋陂故常苦潦乾隆十九年
本縣吳公開成稻田疏二溝北流入小清河以瀉水
又議自西開一溝通小清河引水灌溉未幾吳公去
而溝未成此處雖獲稻田之利春間栽稻時艱於得
水不無束手之嘆

採訪

灤水又東北水經注所謂聽水出焉疑在此齊乘以響河為聽水非是

灤水又北聽水出焉

水經注

按聽水本注巨合水水經注甚明故知齊乘誤也大約小清故道乃古聽水所經然不可詳矣

聽水在歷城縣東北二十里

大清一統志

按此條足正齊乘之訛然所謂在縣東北二十里者乃聽水之流非其源也細玩水經注自明

灤水又東北至黃家橋復分流而西灤水又東北至滾水壩復分流而西俱詳見前

灤水又東北經黃臺山南右納七里河水水上流來自
烟霞嶺又北經轉西山又西北經茂陵山東左納百尺
澗水又西北入於灤

漿水泉齊乘曰盤水鎮東南今考百尺澗東南亦有
以漿水名者每當瀑發聲撼風雷流經荆山入七里

河

舊志

小新閘在黃臺山前

同上

灤水又東北右納礦村水礦村水發源於白雲山南西
北流右納佛峪林汲泉水又西北左納龍洞白龍潭諸
泉水又東北經白雲山西右納朝陽澗水又北流經老

君崖東其下有井俗名朗公井又北經轉山東又北東
經草山嶺西又北經八澗鋪西又北經卧牛山西入於
灤

名泉碑曰林汲在佛峪內曰金沙曰白龍在龍洞山

中

齊乘

林汲泉在佛峪內釣臺下泉自壁間飛瀉穿雲度樾
而歸於壑最為名勝

舊志

金沙泉在龍洞西北澗中一名黃龍潭流入寺中

白龍泉一名白龍潭在金沙西北流入聖壽院黑龍
潭白龍潭黃龍潭三潭俱在龍洞

懸珠泉在龍洞口

朗公井在城東南三十里老君崖下朗公廟貌猶存人往照井能見前世業根飲其水者能已嗔殺貪淫

以上俱舊志

按朗公寺有井神異見神州塔寺三寶感通錄諸書已詳載朗公寺下此俗傳之訛也

法坤厚林汲泉瀑布詩飛瀑日夜逝挂如十疋布觸石崩雷噴薄散烟霧清冷砭心骨流連忘去住偕

問昔遊人同水歸何處

向石山人集

澤水又東北經華不注山南古有華泉今涸偽齊劉豫

立限於此使灤水東注濟水故道所謂小清河也今亦
淤矣

華不注山下有華泉故京相璠曰春秋土地名也華
泉華不注山下泉水也春秋左傳逢丑父使公下如
華泉取飲即華水也北絕聽瀆二十里注於濟見水經注
華泉續述征記云歷山有一井無底與此泉通也太

寰宇記

古灤水自華不注山東北入大清河偽齊劉豫乃導
之東行為小清河自歷城東經章邱鄒平又東經般
陽之長山新城又東經高苑至博興合時水東北至

馬車濱入海曲行幾五百里故自濟南東傳博興南
衆水古入濟者今並入小清焉

齊乘

按禹貢錐指謂小清所行實濟水故潰齊乘以大
清為古濟水小清為劉豫所創大謬其辨良允詳
見前然濟故潰本在華不注山北則山前東行之
道乃古聽水入巨合之道久而淤塞第自歷城東
經章邱云云言之欠晰耳

歷城小清河即濟之南源一名濼水出城西趵突泉
經城北下流至樂安縣入海

明史

韓家店閘在府城東北十二里始借濟水以達於青

州府溫河建此閘以候蓄泄

陸通志

蔡家閘在府城東二十餘里卧牛山東沙河灘以上二閘俱存而河則淤沒矣

龍灣閘四風閘巨門閘俱在府城北成化十一年建老僧口閘在府城東北七十五里

以上俱陸通志

柳林閘在華不注北王家閘在柳林閘東壩子屯在王家閘東船柳渡在壩子屯東四風閘在船柳渡東橋頭在四風閘東北張家園在橋頭東北溫流閘在張家園東北老僧口在溫流閘東薛家馬頭在老僧口東韓家馬頭在薛家馬頭東張家馬頭在韓家馬

頭東薛家馬頭在張家馬頭東鄭保馬頭在薛家馬頭東趙官橋在鄭保馬頭東以上小清舊津舊志

按小清河久淤存此猶可以知其故道

小清河已淤而猶有橋金口橋五孔康熙四十年修即故金龍閘也永平橋七孔雍正十一年修曲家莊趙呂橋康熙五十年重修壩子青龍橋一孔康熙四十八年修改青龍閘謂之沙河鎮會仙橋一孔乾隆二十六年修又通濟橋一孔乾隆二十八年修前名楊家橋莊西又橋一孔三元廟前孟家莊石橋三孔康熙五年修又韓家橋鄉店南採訪

陳琰小清河議畧大清深入地下四五尺淵將二三
斗丈小清兩岸僅三丈許河底只在平地上水由地
上行兩岸為堤以來之今填淤平滿河底將高過平
地五六尺矣所以一決即為害也蓋本來河身橫當
諸水之衝而又褊淺窄狹不能容受羣山萬壑之水
往往衝決汎濫而為諸邑之患凡水上流既決則下
流必淤下流既淤則上流愈決淤決相尋堙塞日甚
矣此河不通則無以受諸山之水由南岸之高瀉北
岸之卑建瓴而下決防而出高苑博興樂安皆居窪
下之地何為乎其不受害也今必開通此河使受諸

水患斯免矣然不必窮源至委盡開之也蓋此河雖昔人導趵突泉而來中經數河自東南諸山來者皆為石閘於下流橫截之使必由此而之海蓋其初為通舟楫計也今非為通舟計乃為除害計耳苟不為害則已何必盡開而通之故自章邱消河而上諸山之水雖經小清故道而徑趨大清者不知其幾今皆既入大清不為東方之害則自此以上小清故道開之無益所以不必開也

岳通志

廿一驥鹽河議鹽河東一支屬樂安批驗所為小清河出趵突泉流古明湖經華不注山流龍山又經章

邱鄉平長山新城高苑博興此鹽河南一支通海滄
高家港等十一場之鹽利者也成化以後十一場支
河乾涸商旅不行邳州改行淮鹽開歸改行河東樂
安批驗所裁革而鹽河南一支故道遂日就湮沒上同
許成名小清河記畧濟城之陰名大小清河成化癸
巳間道塞水溢大叅候官唐公漢議召饑民數萬濬
數百里通舟楫之交廣魚鹽之利得湖田數百頃歷
城之有稻實自茲始迄嘉靖癸巳蓋六十年大清如
故而小清之道自博興而西及清澤孝婦諸河皆決
塞為害歷下之西北百里盤廻山阜道多梗塞每秋

雨暴漲溪澗奔溢漂居盛災禾稼濟人之憂莫甚焉
惟時菴表公來撫茲土乃奮然曰水以養人傾以害
人治之無道耳吾聞之善治水者順其性莫與之爭
為之委以殺其勢斯轉害為功矣害之弗祛惟撫之
愆遂自博興達歷下閒小清故道幾三百里於是諸
水悉平咸注之小清河矣又歷下之西南大清河之
北黃岡之西舊石橋四出迴折八十餘里河旁達曲
貫於是諸路之水咸注之大清河矣夫濟水經緯濟
充之墟千餘里派析條分驅而之道俾生民無水之
虞而反滋其利然非抱康濟之蘊篤拯患之誠聞蒸

黎之利審山川之紀未有能濟者也於乎唐啟其端而公益大其役上下百餘年鴻猷駿功炳炳齊魯邈其時亦癸巳若造物相之而然者時巡按礪菴方公實與有議而藩臬羣公若先大叅今布政李子顯楊子維聰憲副祁子和趙子錦僉憲史子臣周子相謝子蘭咸樂觀厥成惟公務大體畧煩細民有陰被其福而莫之知者去之日咸遮道慟哭三十里濟守應子櫟乃疏其事以請余覽而異之口是東人之利罔窮而愛弗竭者為志其畧俾後有考焉

同上

杜思小清河論小清河自省城以東青州迤西諸山

之水皆會焉一遇霖潦洶湧汎濫堤岸淺薄即不盜決亦不免於漂溺故前輩欲開柳塘口以殺上流之勢蓋柳塘口以西地形稍下會省城以東北流諸水徑入大清為順若開柳塘口不但分上流之水以入大清而青州迤西諸河亦得以殺其東來會合洶湧之勢

新城縣志

元于欽奉其母柩自濼口由小清河以達於新城之錦秋湖至索鎮乃舍舟而東此時小清舟道猶存國初猶然今淤廢矣

齊音

濼水入大清河偽齊劉豫始導之東行至韓家店西

分一支為小清河

方輿紀要

小清河在府城北即濼水也宋南渡濼水分流入章邱縣界為小清河國朝永樂以後漸至湮沒成化九年嘗濬治之自歷城以東直至樂安而小清河復治嘉靖十二年小清河復塞歷城西北百里間積潦盤回道多梗塞乃復濬博興以西達於歷下凡三百里小清河復治久之故道復淤今小清河仍自華不注東北入大清河云

同上

朱善丁亥舟行小清河詩山東齊魯地二國蔚相望官有魚鹽賦民多粟麥場小河縈九曲茂木鬱千章

獨立更懷古高歌送夕陽

一齋文集

灤水又東北經華不注山東又大清河自城西北隅至此可十八里舊有八閘皆水利所關今半圯廢

堰頭鎮府東北二十里亦曰下灤堰亦曰灤口即灤水入大清河處築堰以分其流因曰堰頭南即小清河也今仍為支流之所有巡司戍守

天下名勝志

新閘在府城東北城河邊嘉靖十一年建

陸道志

廣惠閘在府城北二里天順四年知縣何英建教諭彭城傅鴻有記

利田閘在廣惠閘東去府城四里

呼雷閘在府城北十五里華不注山前俗呼為虎頭閘

斜河閘在華不注山前與呼雷閘並列

柳林閘在府城北十五里華不注山後俗呼為胥家

閘

以上俱
陸通志

護城閘在城河東北一名壇閘嘉靖初建

舊志

新閘在何家莊東護城第二閘

利田閘在黃臺山前護城第三閘

平水閘在利田閘東護城第四閘

斜河閘在平水閘東北城河第五閘

呼雷閘在斜河閘北城河第六閘

崇正閘在華不注前城河第七閘

柳林閘在華不注後俗呼看家閘

賀一孝崇正閘記畧趵突泉大明湖二水合流折而東直趣小清河合歸於海成化癸巳巡撫牟公始教民引水灌田遂建利田平水諸閘以時潴洩民利賴之迄正德癸巳巡撫袁公又濬其淤塞增修堤岸而利賴者為益博公撫茲東土每疏滯剔蠹以清吏治而於閭閻之疾苦尤切惓惓嘗周覽鄉邑諏詢民瘼至華不注山前見一閘摧頽水聲潺潺傾注乃呼雷

開也公曰惜哉水失其防矣於是與太府宋公議改修之而屬少府許公董其事出絀錢以雇匠役僦牛車以挽山石工以時舉不妨民務開傍舊有華陽宮規制頗宏敞中塑四像莫有辨之者少府公因正其名號以祀四帝并風雲雷雨等神示民知所祈報且以修開餘材及鄉大夫所施增構齋厨等處擇有道行者以主香火擇鄉老之勤恪者以司開之啟閉凡此皆少府公綜理之善也開既成請名於中丞公而公謂可名以崇正修開以興水利修祀以祈歲豐無非重民之事者誠可謂崇正矣然此特公惠政之一

端耳他如擊貪糾暴以儆官邪斥侈費抑奔競以救
時弊賞沈廷忠李華之孝行葺許忠節張文忠之祠
宇以振綱常扶世教則公之長策遠猷概可見也敢
以是告夫郡人之享有聞利者

以上俱舊志

王象春稻屯詩每憐舟至稻屯迴七閘連環未盡開

華岫隔湖如喚客明朝截雨上山來

王宮首開并城外六閘非齊放

則舟不得抵華岫但至稻屯盤桓片時而返望華岫咫尺不能繼舟石上余每恨濟城有不涸之倉此溪是也此溪流入大清止十八里倘更一濬寬可通舟抵下連蒲青海樂諸縣之糧則齊城可永無饑患惜當事者牽於葺舍之口

齊古

大清河水又北經堰頭鎮西堰頭鎮亦見金史又北東

經邢家渡南又東經新開口北舊志所載張侍渡庾家渡皆在此處又東北經蔡家口西右納沙河水沙河水亦源於南山中北流經靳家莊又西北名冷水溝又北右納冷泉水左納張馬屯水又西北入大清河

名泉碑曰花泉在張馬泊

齊乘

沙河在卧牛山東北其源東發冷水溝西發張馬屯流入大清河

舊志

耙道河在水泊前源出張馬泊花泉流經沙河入大清河

花泉在張馬泊泉源數泓周廣數畝一方水利所關

流經耙道河東北入沙河

冷水溝在沙河南朱家橋在沙河北

景陽湖在冷水溝西北與廣平湖俱屬德藩

按廣平湖舊志不言所在或以為在華山前未詳
是否

堰頭在小街東邢家渡在堰頭北新開口在邢家渡
東張侍渡今名張水渡口在新開口東庾家渡口在

張侍渡東北

以上俱舊志

大清河又北經老窪東左納懷家窪水水在縣北境西
南受齊河水匯為澤夏秋淫雨恒為患東南流三十里

入大清河

懷家窪在鵲華北周廣六十餘里張公鶴鳴為渠洩

其水遂為腴田見張河記

舊志

陳寧新開張河廣濟橋記泰山北麓泉源競發吾邑
得七十二焉流既夥勢不得不匯而為湖水既匯勢
不得不趨而為川衍而為陂湖泊川陂既廣不時蓄
洩疏濬則民病厥病何若湖不失為湖則菱芡荷莢
魚鼈蚌蠃之利去原隰而七陂不失為陂則溝塍啟
閉火耕水耨之饒去原隰而五乃今十不得一也茲
窪故鵲湖北足也水既涸不得為湖而又不得與原

隰等水潦至人為魚室蛟織亢陽至則地龜裂澤若
焦而民病兼之祝阿鬲津之境薄孫耿而東注者且
帶吾邑闔邑帖然此寔告勞則司牧者不遽信即信
矣難遽置之膝股上而諦視之而吾民愈病客歲吾
父母張君明府授符而莅茲邑茲邑者海岱之間一
大都會也有監司之車塵馬跡焉吾父母來茲一稔
刑清再稔事簡鹿車搖搖徧於原野戾止茲塗耳而
目之慨然屬九鄉父老告語之曰來爾有衆此終為
瀉鹵也乎九鄉父老泣拜而請曰此之為田十萬餘
畝舊有涵陂之大清而累世不一見焉用足胥膏腴

而汙萊之吾父母為小民司命再莫之樂土公曰可
請之監司不煩公帑不費閭閻取之贖粟募彼飢民
蓋畚鍤如雲三月而功畢何曩者遷延多歲而今易
易也治有人事有時當癸甲之歲而枵然遑遑易聚
也出我陳朽粒我萊民易趨也是故不三月而大工
告成民奠厥居水歸其藏終古斥鹵生之黍稷是役
也起鵲山東北十里許迤邐而東之長三十里濶三
十尺深五尺又一起徐家店迤邐北延袤十五里許深
濶如前二水合流俱入大清河為田十萬餘畝為鄉
九而西訖齊河北屆濟南盡為神臯河名張志姓也

橋名廣濟惠邑民也譚水利有日矣今茲見之故樂
觀其成而記之記曰太史公曰甚矣水之利害也利
害起於甲乙相參也是故利於甲者害於乙詢之乙
者迷於甲矧之乎所濬非所害所害非所濬害在甲
必待乙而洩之濬在乙必援甲而非之是非橫起而
當局者莫措愚嘗讀河渠及翟子威杜元凱劉貢父
諸說未嘗不搢擘於吾邑也吾邑以泉源為血脉二
清為腸胃清之南宜蓄清之北宜洩蓄者宜時其洩
為蓄洩者宜審其害為利吾邑之士民大抵無慮皆
時已之蓄而不恤人之洩審已之利而不虞人之害

故舉一而利百爾爾其他政種種茲不贅及矣明府

張君諱鶴鳴號鳳臯潁川衛人

同上

孫光祀康熙三十六年疏河碑畧獨懷家一窪衆流
滙聚明季張邑侯度地開渠引入大清始改巨浸為
沃壤民德之號張河今百餘年故道淤塞瀦水如故
頻年屢議疏濬而持論不決大工莫舉會中丞李公
撫東詢民疾苦藩伯守令皆能宣力布意乃始巡視
舊堰廣諮衆謀計日鳩工復念比歲不登民艱於食
特假三倉之粟以果役者之腹於是舉一渠三岔不
旬月而開疏焉深廣用倍於舊世世稱永賴矣

據碑

碑陰記畧明季開河舊規廣三十尺深五尺今復疏通一依其舊兩岸楊柳不許私自翦伐兩岸壩塌淤塞種地軍民各自挑挖開疏水道不得坐視滙聚以致害已害人凡上數條有不遵者按律定罪

同上

長濟橋在哈巴溝西接懷窪東入大清雍正四年周足昌等建木橋乾隆二十一年周星等復易以石採訪大清河又北為老兒灣水深不可測又北東經河趙園北袁家莊南又東經南河頭村南又東北經東河頭村西又北經清河寺東右納巨合水

濟水又東北過臺縣北

水經

老兒灣在庾家渡北東河頭在史家塢東北

前志

巨合水在縣東七十里以二水合流故名見水經注一名巨冶河見齊乘源出章邱之雞山西北流入縣境流十餘里經龍山西又北關盧水自西南來入之關盧水水經注云導源馬耳山亦章邱縣境西北流入縣境又西北經龍山鎮東又西北與巨合水會王人呼會河川亦名龍山河

巨合水南出雞山西北北經巨合故城西巨合水又北合關盧水關盧水導源馬耳山北經博亭城西西北流至平陸城與武原水合水出譚城南平澤中世

謂之武原泉北經譚城東又北經東平陵縣故城西其水又北經巨合城東其水合開盛水而出注巨合水西北經臺縣故城南

水經注

巨合水出龍山鎮南五十里曰榆科泉經巨里西武原水出鎮南十餘里江水泉經巨里東俗訛為東西巨治河俱北流五里餘乃相合北入小清河巨合之得名以此

齊乘

巨合水府東七十里今謂之龍山河

方輿紀要

巨治河土人謂之撻頭河流入大清

舊志

武原水一名盤水行十餘里又名全節河流入大清

上同

巨合水又西北經婁家四戶西多以灣名以其多磬折也又北為全節河以全節城而名也其南有村即以河為名又西北經城子莊北又西北經龍泉寺南又西北經盤龍莊東北又西北經鴨兒王口北左納百澗溝水劉虎灣在柿子園東三岔灣在杜家四戶南楊家灣在婁家四戶西先生灣在楊家灣北李家灣在王野戶南季家灣在小周莊西南長灣在全節河東龍泉灣在龍泉寺側唐王道口在全節河西北鴨王口在唐王道口西北以上巨治要津

燕志

巨合水又西經遙牆南折而北名遙牆河左會壩子河水水起於黑龍峪東北經白雲山東又北經鮑山西又北經王舍莊東又北經朱家莊東又東北經壩子頭北右會韓倉河水水上流起於桃花嶺北西北經蓮花山東又東北經和山東又北經韓倉莊東有響水潭又北經曲家莊西左會白泉水白泉出紙房莊北方十畝中有大泉間數刻一發聲如隱雷多沙白沙故名旁有冷泉漫泉漫泉一名麻披泉又東北右納團泉惠泉當道泉丁家泉諸水團泉一名漂泉惠泉或曰當作灰泉白泉水又北經壩子頭西與韓倉河會壩子河又東北右

約四橫閘水水上流起大澗嶺北又東北名神武河又北經郭店莊東又東北至四橫閘入於壩子河壩子河又東北經遙牆西會於巨合水

其水西北流白野泉水注之水出臺城西南白野泉北經留山西北留而右注巨合水又北聽水注之水
上承灤水東流北屈又東北流注於巨合水亂流又北入於濟水經注

名泉碑曰白泉在王舍店北

齊來

遙牆河在遙牆西流入大清

隋志

壩子河在壩子屯東源出白泉流入遙牆河

白泉在王舍莊東北五里源廣數畝下灌稻田數十頃由曲家莊入壩子河

當道泉在梁家莊北源流深長可資水利流入壩子河

草泉在白泉南源廣數畝流經灘頭入壩子河

冷泉在白泉南流入灘頭

漂泉在白泉東發源迅疾流經曲家莊入遙牆河

惠泉在白泉南流與冷泉合

漫泉在冷泉西南流入灘頭

團泉在白泉西流入灘頭

麻泉在白泉北流入灘頭

以上俱舊志

宏濟橋在韓倉舊志名普濟橋萬歷五年知縣彭建

康熙二十六年重修

采

青龍橋在壩子屯莊南萬歷間重修

同上

東南縣境之外到處皆山其水俱北入縣境經神武莊官莊程家莊東曹家館西至杏園屯村中水由溝行後則泛溢災禾稼壞廬舍居人之憂莫此為甚任家莊任立志具呈撫憲佛令知縣管果查勘自店園屯挑起經寇家莊東林家莊江家莊東許家莊曹官莊簡家屯曲折而入遙牆河邢家窪邢大任具呈自

邢家窪挑起經新屋頭石家柳樹至遙牆河王家新
屋頭王福寧雍正七年具呈知縣郭查勘挑至卧樂
土莊前水皆得入四風閘以入鴨兒王口河而水患
息矣

同上

李攀龍丁香灣詩平灣澹不流寒影千峯入斜陽一
以照彩翠忽堪拾

詩集

按丁香灣舊志云未詳其處或云在韓倉故附此
詩於此

巨合水又西北經清寧寺東又西北入於大清河

巨合水橋梁多近來創建故前誌載者無幾自龍山

鎮有橋薛家橋五孔乾隆二十一年建永固橋三孔
順治十五年建又東文興橋三孔乾隆十六年修西
文興橋十一孔乾隆十九年修健橋七孔順治七年
修此皆東府通衢由來已久後則孫家四戶興梁橋
五孔康熙四十一年壽官孫世祿創建又北張家莊
韓信橋五孔乾隆二十二年修婁家四戶石龍橋五
孔乾隆二年修王野河普濟橋五孔康熙五十七年
修全節河霸王橋七孔乾隆三十一年修城子莊太
平橋五孔康熙五十七年修乾隆二十二年重修周
家莊興隆橋七孔乾隆二年修紙房南通濟橋五孔

乾隆二十六年修韓家莊龍泉寺前鉅野橋七孔康熙五十八年乾隆二十六年修唐王道口太平橋五孔乾隆十六年修王家莊廣濟橋五孔康熙四十八年乾隆二年修盤龍莊興龍橋五孔乾隆二十六年修鴨兒王口仁壽橋七孔康熙二十三年乾隆二十四年修北七縣孔道也又新橋在莊西乾隆二十七年建遙牆康家橋五孔康熙五十一年修橋西南三里許三岔口萬壑奔流之處北有永固橋七孔乾隆二十八年重修又增二孔

採訪

大清河又北經孟家園西又東經馬官寨東又北經楊

柳渡西又北經秦家道口西又北經埽溝西入濟陽縣界

楊柳渡在東河頭東北今名楊令史道口秦家渡在楊令史渡口北任家岸在秦家渡北

舊志

大清河又東北於濟陽縣界受縣之白雲湖水水源出章邱南山中而地介於歷城章邱之間章邱得其三歷城得其七北流經章邱縣界又北至濟陽縣界入大清河

濟水東北合芹溝水

水經

芹溝水出臺縣故城東南西北流經臺城東又西北

入於濟水

水經注

淨明泉在章邱縣南合東西麻灣北流為清河至城

東為繡江西北至水寨會為白雲湖又東北入小清

河始與灤水會又東入大清河

大清一統志

白雲湖清河之下流也自章邱縣西北七里流經歷

城縣東北合小清河周五十里

同上

白雲湖在城東北章邱縣界周六十里俗名劉郎中

泊洪武間設河泊所歲有課入今裁

舊志

張中丞南漢鵬修小清河自作濬河議謂白雲湖在

長山縣非也按白雲湖在章邱縣距長山尚百里其

水入大清與小清無涉不知南漢何據而云然

居易錄

白雲湖與樂清

即今江

二水會同入大清河邑乘載之

甚明

池北偶談

按白雲湖水小清未塞之時自入小清既塞以後乃入大清且小清自華不注山以東實古濟水故道也禹貢雖指辨之甚明

李開先濬渠私說節畧章城西北有湖一區名曰白雲湖東接清河諸山七十二峪西灌鴛女溝七十二渠谿谷縷注衆水渚而為湖白雲英英出其中湖因以名重青淺碧拖練揉藍嘗游於湖心山如錦屏天

如華蓋俯仰天地表裏湖山信為一方之浩壤而三齊之水府也自水澤漸消舊去城近今則微遠周廻原四十里今亦減削田可種大小二麥湖中有蒲葦菱芡魚鱉之利但逢夏秋之際山水泛漲湖不能容北流里許至水寨鎮西徑入小清河去矣河之北岸有古閘一處借蔣家口北通鹽河古道轉而之東民資灌溉甚便自古閘損壞西衝一口其水盡入蔣溝灌溉失望居民曾有上控撫臺批行屯田道轉行本縣帖差委官督同夫役將古閘之西開挑月渠以洩湖水不意水復為災屢修屢壞以致小清乾澁大

衆憂虞此必置閘下橋破才殫力方為經久之計且

免偷決之患

開卷集

白雲湖之南又有漏卮湖水

漏卮湖在平陵城東諸水注之不盈故名

范志

歷城縣志卷第九終

歷城縣志卷第九

山水考四

五